

廣文書局印行

小方壺齋

輿地叢鈔

(四七)

嶺南雜記

石門吳震方著

由南安二十五里至庾嶺路甚平可容雙車有鷹回人遠碑爲南雄府界從此入粵碑爲山東八歲兒宋世勳行書廣東藩司宋某之子山路爲大宗伯楊諱正中使粵時重修

庾嶺又名梅嶺以漢庾勝梅鎬得名然庾嶺多梅古昔已然自有折梅逢驛使淚盡北枝花之句而好事者往往增植之自宋迄明往來遊宦者多有補種某推官女亦植三十株鐫詩於石明趙太守題曰梅花國至今老梅尙繁

松徑張曲江植至今尙存嶺爲曲江開鑿有文獻祠存焉

韶州府城上周圍俱蓋房舍兵環居之不作女牆謂之陰城攻之難破康熙乙卯吳逆遣吳國柱馬寶攻之年餘不能克

丹霞山在韶州府仁化縣有瑰瑋絕特之觀向未著名明末李文定孝源避世之所後捨爲寺進士金堡道隱出家號澹歸文定與同朝而復同志延請主之浙平湖陸孝山世楷爲南雄知府與澹歸交最久多有唱和之什凡山之勝境大半皆澹歸所開闢也其最勝有一綫天海山門緣鐵索而上始達海山門登說法臺是山之最高處也寺極奇麗對面爲獅子巖旁寶珠峰與海螺峰對其後爲龍尾巖卽山之盡處勢逶迤而下相傳丹霞爲龍形故名其他四面轉側處處標奇但視一面不足攬其勝概也

自韶州至英德一路山皆陡峭拔起平地如削中多洞穴人構木居之大約粵地深山大澤固多而孤巒隻巘尤饒奇特

英德觀音巖卽碧落洞層累而上洞口俯江有石乳如垂蓋旁有小洞號雲華深不可測

中峽飛來寺梁普通年自斜州飛來遺一殿角於梅嶺今爲雲封寺頗多題詠寺後石壁羅隱書雲隱二

字

佛山鎮離廣州四十里天下商賈皆聚焉煙火萬家百貨駢集會城百不及一也街道甚窄僅容兩人交臂而行

粵俗最喜賽神迎會凡遇神誕則舉國若狂余在佛山見迎會者臺閣故事爭奇關巧富家競出珠玉珍寶裝飾孩童置之綵輿高二丈陸離炫目大紙爆俱以繒綵裝飾四人舁之聲徹遠近中藏小爆數百五色紙隨風飛舞如蝶聞未亂之時尤盛土人頗慙此會殊寒儉矣

廣州府有新城舊城舊城向爲逆藩尙可喜駐鎮城中皆其子姪及漢軍藩下官員圈住大小衙門俱在新城自蕩平後衙門仍入舊城巡撫衙門爲尙可喜府第最爲宏敞將軍衙門爲尙之孝府第壯麗尤甚內僭爲九間殿今爲將軍府將軍王永譽分爲三香始敢居之大堂前築有拜單石深一丈二尺闊六丈門前石獅乃耿逆在粵時從肇慶取石爲之高雄駿東南希有後移藩閩中故之孝居之藩逆盛時其奢僭病民如此今新城各衙門俱斥賣僅存總督衙門爲入省駐節之地

粵中水塘宵更禁五鼓僅四鼓而天已明矣相傳擊五鼓則潮水泛溢此亦悠繆之說然城中仍五鼓也嶺南婦女多不纏足其或大家富室閨閣則纏之婦婢俱赤腳行市中親戚餽遺盤盂俱婦女擔負至人家則袖中出鞋穿之出門卽脫之袖中女婢有四五十無夫家者下等之家女子纏足則皆詬厲之以爲良賤之別至於惠州水城門外婦女日日汲江水而賣大埔石上豐市婦女挑鹽肩木往來如織雇夫過山輒以女應紅顏若此直在羈提劫中矣

粵俗民家拜掃後墓上俱覆白紙宗孫盛者堆如積雪清明尤盛

發廣州五十餘里爲南海廟歲時有司致祭廟外有大榕樹二株相距數武上榦交結爲門必從此而入

廟極宏敞有銅鼓二其一徑五尺餘刻鏤精巧青紅斑駁叩之淵淵云是漢以前物其一徑三尺聲質俱劣乃宋時物也歷代御祭碑磷列兩廡而昌黎碑獨高大碑陰及兩旁題刻皆滿

澳門離香山百里向在界外其山從海濱發支如蓮蓬插入海中有城皆鬼子所居無漢人離澳設關以稽人口出入其地不產米鹽蔬菜俱內地運出城中有西洋官職如侍郎粵東文書事件往還俱用通事其俗見人以摘帽爲禮凡內地所用犀象香珀哆囉囉吱羽段羽紗蘇木椒檀玻璃種種洋物皆與之互市向海禁甚嚴止許肩挑後許小船運載澳關係布政司委三司首領及一千總轄之少收其稅甚有利故競鑽營今通洋設立海關則利歸公上矣

澳門夷官亦乘轎其轎方長如櫃官從頂蓋上出入則仍以頂板蓋之四人舁之止則揭蓋板以出其傘用竹葉編成白竹爲柄一人執傘前導一人負一板箱二人執長鎗以從其餘儀衛簡陋可笑

離澳門十餘里名十字門乃海中山也形如撥指中多支港通洋往來之舟皆聚於此彼此交易故有時不必由澳門也

肇慶城臨江江水自西粵來謂之西水每歲夏秋間雷雨連日則江水暴漲漂屋廬城中亦可行舟乃塞城門以抵之城外江口又多颶風夏日時作發屋拔木癸亥夏吹倒制府旗竿擊死一裁縫泊舟者見北風起則立開至對岸山坳每四五月西水發時粵西大山深澗衝下孔雀糞及毒蛇毒蟲紅蚯蚓等惡水由封川德慶繞郡而東水如黃河之濁飲之腹腫悶脹所謂瘴毒也必用白礬雄黃澄之毒少解唯十里外靈山寺泉甚佳各衙門日舟載之否則西門外梅菴井泉爲亞

七星巖在府北下有瀝湖巖洞深邃仙靈奧區以去郡甚邇而多名勝遊屐必及題詠甚多上有斗母宮并星巖書院祀○本朝兩粵制府自熊公文燦以及吳公興祚康熙庚辰年制府石諱琳重建屬余爲記

肇慶南界自河頭至交趾皆用歷代古錢高州郡邑民多游惰不事生產米一石易古錢三百文若歲歉價至五百便饑荒極矣典男鬻女以償官逋習以爲常

端石出肇慶府羚羊峽東有上巖中巖下巖之別有水坑旱坑之分有舊坑新坑之目其宋時舊坑包公所謂不持一硯者今亦無所得石矣其石之精巖美惡人人聚訟皆由身不至端溪以耳爲目此倡彼和究竟莫能辨真石也彼地唯一僧及二三武弁識之蓋以前當事者開坑令其監督日與土人石工及好事收藏者講究故能略識其梗概也

自肇至梧州屬粵西卽有蠻夷之習婦人四月卽入水浴至九月方止不避客舟男女時亦相雜古所謂男女同浴於川也然大約獠獠山居者爾爾若中土人籍彼地者其婦女則否浴時或觸其私不忌唯觸其乳則怒相擊殺以爲此乃婦道所分故極重之

羅浮山在博羅境道書十八洞天之一有鮑靚葛洪二真人仙蹟蘇東坡云自泊頭至羅浮十五里有遊羅浮山示子過詩余過石龍欲取道羅浮連日大雨不得往從博羅王令君乞得羅浮野乘一冊舟中繙閱以當臥遊

惠州豐湖亦名西湖有蘇公隄乃東坡出上賜金錢所築煙波渺瀰山水環秀彷彿明聖湖風景白鶴峰下東坡卜居于此有上梁文今爲白鶴書院妾朝雲墓在豐湖上有六如亭已廢歸善林令君惠蘇文忠公寓惠集西湖志

惠州人死未斂親人至江潯望水號哭投錢於水汲而歸浴以斂此亦蠻風也

潮州府城外廣濟橋跨韓江上俗名湘子橋廣二丈長一百二十丈南北俱爲橋址中不爲梁造舟二千有四爲浮橋屢修屢圯康熙甲子時兩廣總督吳諱興祚捐銀二萬兩重修兩粵鹽船必由此橋聖驗

韓文公廟在韓山不甚高有文筆峰時其上廟亦庫隘題詠絕少有碑數片俱無佳者

鱷溪一名惡溪又名憶溪唐宋時有鱷魚爲患其物似龍無角而黃色口森鋸齒四足修尾尾有三鉤極利遇人畜以尾擊而食之鱷之運尾猶象之運鼻也生卵甚眾或云鼉龍之屬今溪中絕無此潮人亦無有見之者人但知文公爲文驅鱷魚盡徙其族不知宋時其害未息咸平間通判陳堯佐捕而烹之有戮鱷魚文

潮州燈節有魚龍之戲又每夕各坊市扮唱秧歌與○京師無異而采茶歌尤妙麗飾妓童爲采茶女每隊十二人或八人手挈花籃迭進而歌俯仰抑揚備極妖妍又以少長者二人爲隊首擊綵燈綴以扶桑茉莉諸花朵女進退作止皆視隊首至各衙門或曰室唱歌賽以銀錢酒果自十三夕至十八夕而止余錄其歌三首有曰二月采茶茶發芽姊妹雙雙去采茶大姊采多妹采少不論多少早還家三月采茶是清明娘在房中繡手巾兩頭繡出茶花采茶中間繡出采茶人四月采茶茶葉黃三角田內使牛忙手挈花籃尋嫩采茶得茶來苗葉香頗有前溪子夜之遺

潮州大麻瘋極多官爲立麻瘋院如養濟院之設也在鳳凰山上聚麻瘋者其中給以口糧有麻瘋頭治之其名亞胡衣冠濟楚頗能饒富人家有吉凶之事瘋人相率登門索錢索食少則詈罵必先賂亞胡求片紙黏門瘋人卽不敢肆院中有井名鳳凰井甘冽能愈疾瘋者飲之卽能不發肌肉如常若出院不飲此井卽仍發矣入院遊者瘋頭特設淨舍淨器以款之其中男女長成自爲婚匹生育如常人瘋女飲此水面目倍加紅潤光彩設有登徒犯之次日其女宿病已去翩然出院而登徒侵染其毒卽代其瘋不數日眉鬚脫落手足麻痺肢節潰爛而死矣

潮州有蛇神其像冠冕南面尊曰遊天大帝龕中皆蛇也欲見之廟祝必致辭而後出盤旋鼎俎間或倒

懸梁上或以竹竿承之蜿蜒糾結不怖人亦不整入長三尺許蒼翠可愛聞此自梧州而來長年三老尤
敬之凡祀神者蛇嘗游憩其家甚有問神借貸者

粵東尚巫信鬼故妖惑之物得以禍福人蛇神不獨潮東莞亦有之

海口天妃廟碑記每月十六十七十八十九四日海水伏流可渡而長年三老熟於海勢風信不敢妄開

康熙乙丑有一三司首領署篆瓊邑任意開船船戶苦諫不聽未及數里全舟覆沒

廳信附錄正月初四日接神廳俗名初九日玉皇廳此日有報則一年之報皆十三日關王廳念九日烏

狗廳二月初四日白鬚廳三月初三日元帝廳十五日真人廳念三日媽祖廳即天妃誕日真人報四月

初八日佛子廳五月初五日屈原廳保大廳十三日關王廳六月十三日彭祖廳十八日彭祖婆廳念

四日洗炊竈廳自十二日至二十七月十五日鬼廳八月初五日大廳自二十四日至除夕九日九降自初一至十八

月初一亦大廳旬十八日彌陀廳十二月廿四日送神廳自二十四日至除夕

高州府春時民間建太平醮多設蔗酒於門巫者擁土神急趨以次禱祝擲珠縣朱符而去神號康王不

知所出城南一帶春日多鞦韆之戲凡婦女出入俱攜竹繖障面其產則有翠羽金鈿文狸赤豹郡有梅

祿虛南北商賈聚此交易

高州婦女多椎髻跣足每入城市負小兒以行兒即於背上酣睡

高州除夕元旦各公署俱有鼓吹謂之鬧衙門復有蠻人裝獅子跳擲為戲元宵城南燈市甚盛每隔五

家縛一燈棚以竹為之扁曰興賢挂紅繒其下多用雜色紙糊綵燈翦紅白紙綴成玲瓏萬眼燈光彩奪

目魚龍之類皆不足觀

化州治後有石潛江中謂之龍尾洲州治庭左偏有石微露謂之龍首有時鳴吼明景泰八年鳴三晝夜

州同知楊景生子一清有顴胎之異至今州治早晚必鳴鼓角若一日不作樂則石龍蠕蠕而動矣

化州仙橋相傳仙人羅辨種橘於石龍之腹至今猶存唯此一株在蘇澤堂者爲最清風樓次之紅樹又次之其實非橘皮厚肉酸不中食其皮釐爲五片七片不可成雙治痰症如神每片眞者可直一金每年所結循例具文報明上臺屆期督撫差親隨眼同採摘批製官斯土者亦不能多得彼人云凡近州治聞譙樓更鼓者其皮亦佳故化皮質者多眞者甚難得

茂名縣以仙人潘茂名得晉永嘉間潘仙修鍊於此白日沖舉郡城東山猶有石船藥竈遺蹟

電白縣西三十里有熱水山秦始皇置爲溫水郡今廢山下有泉湧出如沸鼎

諸傳雷州府有雷公廟每歲鄉人造雷鼓雷楔雷車送入廟且禁魚氣同食立有雷震又傳雷出英靈岡秋日伏地中狀如蜃或取而食之皆訛也今府有雷山先有陳姓者雷雨後拾一巨卵得小兒長而神靈其子孫皆陳姓聚居山下立廟此山歲時守令親往祭之以爲常典非雷神也況自有天地來卽有雷豈至此而始有神乎且在覆載中者無地無雷豈獨神於雷州乎日月風雲雷雨之神皆天子得祀之何得太守獨祀雷乎蓋郡與山偶名雷若如前說則高州有電白縣亦當祀雷神乎

康熙十三年六月廉州海濱風雨晝晦有龍在海面往來翻觸海水頓湧數丈守兵以礮擊之一物從空而墜少頃水退沙際得一鐘高三尺餘圍徑二尺餘鐘鈕龍首爲礮擊碎取懸寺中擊之地方輒有事遂不敢擊置之府學中徧身小龍雷紋精工異常朱綠斑駁不知何代之物而出於海濱鐘亦無銘識可考珠池在廉州海中取珠人泊舟海港數十聯絡天氣晴朗萬里無雲同開至池處以鐵物墜網海底以鐵撥撥蚌滿網舉而入舟舟滿登岸取而剖之皆凡珠也偶或一舟得寶珠卽有片雲如墨風波陡作必舉而棄之始免覆溺然羣舟之中不知何舟得寶必咸棄之數十舟皆空手而回否則片板無存矣其蚌圓

而底平與內蚌不類

瓊萬儋崖十三州縣孤懸海外中皆深山箐谷如五指山小五指山皆黎人所居其中不過五六百里而沿海數千里州縣環其外州縣之民耕漁納稅黎人輒出劫奪自古不奉王化康熙年間總兵吳啟爵深入重阻征服生黎內列十一大寨據其險要黎人畏威懾伏遂題設一州十縣使生黎皆隸版籍奉○○旨下部議部行兩廣督撫確議總督石公以爲不便而止三十八年瓊州文武官屬役黎採香藤花黎紫檀等物又令開金溝日索其金而又苦辱之於是黎人王鎮邦倡亂宰牛傳箭殺吏兵掠民人督提題奏○○差禮部侍郎凱音布同督臣石公撫臣彭公察審將王鎮邦王益東王仁義那言那佛立斬梟示文武地方官參革重處有差黎人頑梗無知恃險抗拒必大創之終設郡縣乃爲治瓊長策否則叛服不常無有十年不亂者也

瓊俗甚淫外江人客於此欲謀得婦者瓊人必先問養漢邪漢養邪如漢養則女無外交而平日親串往來餽送女之飲食衣服皆取給於男所費不貲如養漢則受聘之後男子坐食其衣膳甚豐往來餽送諸費皆出於女而不得禁其外交生子則攜以歸生女則隨母留瓊不肯渡海也

崖州大忠祠祀文信國天祥丞相陸秀夫太傅張世傑兩廡祀同時死節諸臣東廡又別祀勤王義士伍隆起全節祠祀慈元楊太后又有國母墳祠前有奇石如屏舊刻元柱國將軍張弘範滅宋於此明巡按徐珣易刻曰宋丞相陸秀夫太傅張世傑死事於此石值潮落趾出牡蠣棲其四旁男婦持器狀如斧長二寸許敲取之又有荷鋤掘取蚌蛤於泥中驚鷺從旁爭奪其餘無驚懼意始信野人狎鷗爲不誣也

粵有獠種古長沙黔中五溪之蠻生齒繁衍播於粵東西多槃姓自云槃瓠之後言語侏僂椎結跣足短衣斑斕依林而居以砂仁豈芋楠漆皮藤爲利竭則又他徙無儲蓄慄悍輕生能忍飢行鬪登險如平地

兒始學步卽燒鐵烙其跟故能踐棘刺而不傷出入佩刀弩毒矢中之立斃冬無臥具羣聚爇火晴雨唯頂笠或覆以葵葉捕獸飲酒擊長鼓爲樂婚姻多賽於祠踏歌相招聽其自合忿爭之際雖至親亦手刃之往往嘯聚擄掠歷代爲患累朝廷之叛服不常唯撫之聽其少納糧糶糜而已

獐種與貉異類而跳梁桀驁之性一也花衣短裙鳥言獸行產自湖南溪峒先入廣西蔓延至廣東初亦聽役輸租與貉爲讐有司田主頗藉以捍藩及後勢取與貉人無二其人不薙髮俱黑色廣西最多負藥草出市男女衣製如一不可別喜食蟲如蚯蚓蜈蚣蟻蠅蝴蝶之類見卽啖之

獠卽蠻之別種出自梁益之間其在嶺南則隋唐時爲患然是時不言有貉宋以後又不言獠意其類分合無定故隨代異名明通志凡山寇皆謂之獠蓋山寇亡命烏合未必種傳無從究考騷擾下甲集魚跳寨有獠

蛋戶其種未詳何出或云卽龍戶以船爲家以魚爲業見水色卽知有龍性鱗鱗不諳禮數入水不沒每爲客泗取遺物性耐寒隆冬單衣跣足婚娶以酒相餽羣婦子飲於洲岸兩姓聯舟數十男女互歌爲樂屬河泊所徵魚課畏見官府有訟之者卽飄竄不出春夏水潦魚多可供一飽常日貧乏不能自存而蠹豪每案詐以困之海濱貧民此爲最苦矣蛋有二種魚蛋取魚蠹蛋取蠹木蛋伐山取木

湖之西北山中有牽戶者男女椎髻箕踞跣足而行依山而處出常挾弓矢以射獵爲生矢傳毒藥中猛獸無不立斃舊常設官以治之名曰牽官或調其弩手以擊賊亦至然其俗易遷徙畏疾病刀耕火種不供賦也

東莞編戶原有軍民龍蛋四籍其龍籍則分隸靖康場龍籍之民所居房屋則爲龍地種禾之田種樹之山則爲龍田龍山其間潮來斥鹵之地稍可杷煎者則爲鹽田其徵糧總名曰龍稅

自臺灣蕩平之後薄海內外皆爲一家江浙閩廣設立海關裕國便民誠爲萬世之利也然濱海諸郡縣時有賊帆飄忽往來內地奸民不無勾引而出洋船隻或被劫掠不可不預防也姜西銘編修云甯城近海城外江東皆海舶畢集自閩廣來者一都會也又日本往來商船甚多烏言夷服佩刀往來者千百爲羣入城不禁恐有意外之虞當事者亦當爲未雨綢繆計耳

仙茅出庾嶺巖隙葉似蘭根如萎蕤色白八月採人傳葛仙翁煉丹於此上升藥餘遂生此九製服之溫補元氣唐明皇時婆羅門僧進此方服之有驗古云十斤乳石不敵一斤仙茅今服者甚少偶有服者不甚驗豈物有今昔之異邪

雄鴨以南雄府得名鴨嫩而肥醃而以麻油漬之日久肉紅味鮮廣城甚貴之

龍豬出南雄龍王巖在城東百里重一二十斤小耳庫腳細爪土人醃薰以竹片細之皮薄肉嫩與常豬不類廣城亦重之又出江西贛州龍南縣

英德石大者可置園亭小者可列几案無不刻畫奇巧玲瓏峻削但不若靈壁石叩之鏗鏗作聲耳入城列肆多賣石者然無一中玩必求之收藏之家方可得米袖中物然價亦不賤語云英石三妙皺瘦透也英枕卽藤枕以光細堅厚三兩層者爲佳定製乃可得

榕樹閩廣最多他省則無故紅梅驛以北無榕大者蔭十餘畝離奇古怪備木之異術署多植以爲蔭然體曲不中梁柱理斜不中材用質虛不中薪爨莊子所謂以不材而壽者也漳浦黃石齋先生有榕頌其木年久者常結伽南香焚之致鶴植於水際其子可以肥魚細枝曝乾束爲炬風雨不滅其鬚製藥可以固齒其脂乳可以貼金接物與漆相似嗚呼人但知有用之用而不知無用之用也

潮州總戎薛謙若受益園有榕一株下分上合中間相隔三尺可容出入因以爲園門而兩樹中各函一

石笋高六七尺不知何從而入薛求作詩因爲壽榕歌

仙人掌人家種於田畔以止牛踐種於牆頭亦避火災無葉枝青嫩而扁厚有刺每層有數枝杈枒而生絕無可觀其汁入目使人失明

水棉樹大可合抱高者數丈葉如香樟瓣極厚一條五六葉正二月開大紅花如山茶而嫩黃色結子如酒杯老則拆裂有絮茸茸與蘆花相似花開時無葉花落後半月始有新綠其絮土人取以作裯褥余買數斤歸欲效棉花製爲絮女工不能治海南蠻人織以爲巾上出細字花卉尤工巧名曰吉貝卽古所謂白疊布杜詩光明白疊巾卽此今詢之粵人亦無有織作者或別是一種耳廣州閱武廳前與南海廟各有一株甚大開時赤光照耀坐其下如入朱明之洞也

宜母果似橘而酸醃食甚下氣和胃婦人懷妊不安食之良故有宜母之名又名宜濛子製以爲漿甘酸辟暑名解渴水元吳萊有宜濛熱水歌

檳榔出海南而徧於兩粵其樹亭亭直上近頂五六尺間有葉葉間洪腫拆裂一苞數十子無花而實棘鍼重疊其下皆黎女採摘入市賣之謂之山子食時一枚切爲四片以裹葉石灰并嚼之或加椰肉核桃之類人客相見以此先茶然亦有食之而悶眩汗出者飲冷水一二口卽解而彼人日不離口近日都門酷嗜之甚於粵

椰子形如芋頭如人首外包櫟皮內有堅殼解之得漿味如薺薺之汁附殼白肉如截肪甘脆可啖彼人切爲絲蜜餞以致遠中有心可食亦有無心者其殼爲碗最小者爲酒杯尤貴相傳入蠱鄉用椰器遇毒卽裂今皆鑊而用之失其性矣

黃皮果大如龍眼又名黃彈皮黃白有微毛瓢白如豬肪有青核數枚酸澁不成味久之少甘疑卽餘甘

小方壺齋輿地叢書

卷七

嶺南雜記六

一百九十四

朝青可王天

子樹似橄欖綠條開小花夏末結實小兒嗜之

蒲桃形如蠟丸大如桃高丈餘花開一簇如鍼蕊長寸許五月熟色青黃中虛有核如彈丸搖之有聲肉鬆而甘憶幼時在福建永春縣食一種名香果形少圓長肉鬆甘香異常重握即碎後兩次入閩於福省

徧覓不可得羅浮僧云山中甚多每熬爲糖裹以餉客余亦兩次入粵未及嘗也

蕉子最多蕉心抽一莖叢生二十莖如肥阜而三稜剖之肉如爛瓜味如蜜筒香瓜名爲棒槌蕉自夏徂冬實此最久有玫瑰蕉作玫瑰花香有狗牙蕉一種小而骨品貴於棒槌其不實者有紅蕉中抽一花如蓮蕊葉葉遞開紅赤奪目久而不謝名百日紅有蕉不花不實人家沿山溪種之老則作檀溪中俟爛採其筋織爲葛布亦有蠟細產高要廣利寶會等村者佳然一年卽黑而脆遜葛遠矣

魚膠大者徑數尺小者如盤厚且堅不知何魚之鱠或云齊明帝所嗜鯁鯁卽此余年伯王文貞公服之

連舉八子甚託其效

白石出高要七星巖瑩潔光潤土人琢以爲器或做高麗製爲燈極明亮

錦石出高要峽細潤可爲硯亦發墨白錦石出七星巖有山水草木雲氣物象土人琢爲屏風爲牀榻爲香几爲插屏康熙甲子年西洋國王造宮殿行香粵中遣人鑿取以爲陪祀因此山關繫肇慶諸脈不允其請其見珍於外國如此

孔雀產廣西而羅定山中間或有之雌者尾短無金色雄者尾大而綠金翠奪目其毛羽初春而生四五
月後復凋與花相榮衰然自愛其尾欲棲息必先擇置尾之地捕者先施網罟俟甚雨尾霑而重不能高
翔卽罹網罟不肯妄飛恐傷其尾至死愛護之士人取其尾每數十莖長短相雜爲一屏價亦不甚貴其
徧身毳毛及尾之破碎者取以織補服其肉則充餉饋如鵝鴈味亦如之食解百毒然食孔雀肉則服藥

無效其尾金眼有毒孩童戲取銜口中有死者其膽與羹尤毒能殺人而孔雀尾插瓶中較喜食之尾能黏龍腦宋時禁中每幸諸閣擲龍腦以避穢過則以孔雀翠尾爲帚掃之腦皆黏聚尾上無有遺者養孔雀須以一間房前開窗牖使其向明四面通透橫一木架令棲息其上飼以五穀豆麥勿令缺水每至秋夏田中拾螽斯蟋蟀蚱蜢之類飼之引於廳事令慣見賓客又盛夏或患眼病以鵝翎筒子灌少清油以清水洗之如眼不開則擊口啖以小魚蝦及切蒜少許啖之貴涼冷切不可與鹹酸雜食則減精神昏暗毛羽馴養頗久性與人習每至晴明軒翥其尾迴顧自視之名曰朝尾見婦人童豎綵衣華服則放屏以誇之或妬逐而啄之或聞歌唱絲竹之聲則放屏而舞

有偶得孔雀卵者使雞伏之初年生綠毛三年生小尾小火眼五年生大火眼大尾尤與人習

海膽蚌蠔類也出陽江海豐等處殼圓有粟粒附石而生互相聯綴取一帶十若觸破其一餘皆黏石不可動縱椎之破亦不得脫也肉色黃有四瓣鮮美甚美乾者味如鹿脯其殼失漆其內爲杯爲盒大者爲香鑪然脆不經用

柔魚類墨魚而長無蜆蚶骨故名柔魚墨魚海豐名鱓魚較他產脆美大約鯧魚柔魚墨魚一類也

蒲席出端州者細滑勝於他處名賽龍鬚龍鬚席則獨產端州廣甯縣似蒲而細然雖細而恨薄夏暑汗體寢臥其上轉側黏身故無足貴

燈草席出東莞輭厚而溫價亦不賤染作五色如麗光四方餽遺

流黃席出潮州流黃鎮與虎邱席相似而柔細過之佳者每牀一金

西國米出西洋僞者以葛粉爲之以多糞不化而色紫柔滑者爲眞益胃和脾夙病初起者宜食之粵東之笋十九皆苦彼人以苦笋益人甘者作脹凡煮苦笋以黃豆同煮未熟不可開釜犯則彌苦

苦瓜又名癩葡萄即錦荔枝也閩粵皆以爲常饌有和脾疏胃之功俱食其青者或醃作菹或灌肉其內或以燻肉

扶桑花粵中處處有之葉似桑而略小有大紅淺紅黃三色大者開泛如芍藥朝開暮落已復開自三月至十月不絕佛桑與扶桑正相似而中心起樓多一層花瓣今人以扶桑佛桑混爲一非也紗段黑退變黃搗扶桑花汁塗之復黑如新

蕤菜即薺菜人家偏地種之莖中空而葉尖以滾水先焯乃炒爲佳醃爲菹亦可久藏可解胡蔓野葛毒波羅蜜與大葉榕相類不花而實實生枝間或根上春生至秋可食苞大如瓜而多輦刺肉如橘囊有核如肥阜子白膜包之燻食如栗其蕤汁作邪甜氣亦臭彼人酷嗜之

羊桃一名三飲子一名五飲子以其瓢棱而分也色青味黃甘酸內有小核能解肉食之毒有人食豬肉咽喉腫病欲死僕飲肉汁亦然人教其取羊桃食之須臾皆起又能解蠱毒風痺土人蜜漬鹽醃以致遠人面子出增城核如人面余剗視之殊不甚似略具數孔耳土人皆以入饌凡煮鴨羹肉必用之亦醃以爲菹或刻作花毬蜜漬充餽餞者搥爛熬膏以蜜收之甘酸益津

山丹花如瑞香而正赤開足後帶黃色東坡詩云堂前種山丹錯落瑤瑤盤甚得其形似

金風花黃色如鳳心吐黃絲葉類槐余在七星巖見之從僧乞其子歸種之不生

芥蘭甘辛如芥葉藍色鍊之能出鉛又名隔藍僧云六祖未出家時爲獵戶不食葷血以此菜與野味同鍋隔開煮熟食之故名余亦從僧乞其子歸種之滿畦矣

番薯有數種江浙近亦甚多而賤皆從海舶來者形如山藥而短皮有紅白二種香甘可代飯十月間備畦開花如小錦葵粵中處處種之康熙三十八年粵中米價踴貴賴此以活有切碎曬乾爲糧者有製爲

于金魚埠蜆塘其稅尤多民極苦之

鯊魚與閩同其子爲鹽其殼爲杓其血綠色烹鯊并血則味更佳

鱖魚絕無味土人名曰三黎魚土音來

嘉魚出肇慶府冬月始多爲魚中第一廣魚無味此魚出自石穴蓋食乳水故肥美

蘆鰻產海邊隨潮登岸食蘆筍潮退入溪田中不能去方可得有重一二十斤者有重五六斤者全似鰻而身短背黑有類烏鰻味極肥美余於惠來縣食之不可常得

玳瑁出南番海洋狀如龜鱉背負十二葉取用必剖縣其身用滾醋潑之逐片應手而落黃多黑少者價高黑斑多者不爲奇廣人以製杯盤梳掠之類甚精

蒲魚卽鱖魚其味甚美而尾極毒中之癢悶不已用葛布燒灰同麻油調塗良狀若荷葉大者七八尺無足無鱗背青腹白口在腹下目在額上尾長有節節節連比熟則脆輒出陽江者多昌黎詩云蒲魚尾如蛇口眼不相營者是也又名海鰻魚又名少陽魚

苦蕒茶一名臭盧非茶也葉大如掌一片入壺其味極苦少則反有甘味噉嚙利咽喉之疾功並山豆根速香出瓊州者爲勝有色黑而重者名將軍帽鯽魚片色黃而有櫻紋者名花剗自海舶至者味極辛而酸不如瓊產之甜靜無尾煙氣也其餘有夾板并抱朽木者俱香之下品而尤有他木澆成假充者不可不辨

海瓊沈香盡產黎峒多虎狼毒虺異蛇其俗皆女子採香耳帶金環首纏錦帕腰配利刀什伯爲羣遇竊香者卽擒殺焉出萬安山島者最勝島在正東謂得太陽之氣香尤蘊藉

沈香以瓊州所出者爲最舶沈雖大而重色黑而堅味辛俱不及瓊沈之甘而下氣神速也瓊又有樂沈